



Bosnia and Herzegovina  
Federation of Bosnia and Herzegovina

**CANTON SARAJEVO**  
Ministry for Education

Broj: 11-03/02-04-26971-41/22  
Sarajevo, 01. 8. 2022. godine

**SKUPŠTINA KANTONA SARAJEVO**  
**Ulica Reisa Džemaludina Čauševića broj 1.**  
**71000 Sarajevo**

**PREDMET: Zastupnička inicijativa - odgovor, dostavlja se,-**

**VEZA: Vaš akt broj 01-04-26971-3/22, od 06.7.2022. godine**

Cijenjeni,

**Zastupnica** u Skupštini Kantona Sarajevo **Neira Dizdarević** je na 53. Radnoj sjednici Skupštine Kantona Sarajevo održanoj dana, 06.7.2022. godine u okviru tačke Dnevnog reda „Poslanička/zastupnička pitanja, inicijative i odgovori“, a u skladu sa čl. 213. stav (1) Poslovnika skupštine Kantona Sarajevo („Službene novine Kantona Sarajevo“ – Drugi novi prečišćeni tekst – broj: 41/12, 15/13, 47/13, 47/15, 48/16, 9/20, 14/20, 16/22 i 17/22 - Ispravka), uputila zastupničku inicijativu:

*Na osnovu članova 106. i 213. Poslovnika Skupštine Kantona Sarajevo – drugi novi prečišćeni tekst br.:41/12, 15/13, 47/13, 47/15 i 48/16) upućujem zastupničku inicijativu Vladi Kantona Sarajevo i resornom ministarstvu:*

*za usvajanje Programa sufinansiranja boravka djece sa poteškoćama u razvoju i u udruženjima građana osnovanim za pomoć i podršku ovoj ranjivoj kategoriji.*

*Pohvalno je da ove godine nemamo listu čekanja i da će sva djeca predškolskog uzrasta biti upisana u vrtić, gdje je doslovno izjednačen javni i privatni sektor, ali kao da smo zaboravili da postoje djeca kojima su, nažalost, vrata vrtića zatvorena.*

*Brojna su svjedočanstva roditelja koji svoju djecu sa određenim poteškoćama u razvoju iz raznih razloga ne mogu upisati u vrtić. Sigurna sam da smo svi mi u Sali imali priliku čuti makar jednu ovakvu priču i zato pozivam Vladu da sto hitnije otkloni ovaj vid diskriminacije i da mogućnost roditeljima djece sa poteškoćama da izaberu mjesto gdje žele voditi svoje dijete i pri tome uživati iznos subvencije od 200 KM mjesečno.*

*Udruženja građana koja skrbe o ovoj ranjivoj populaciji su već dugi niz godina produžena ruka sistema i svoje usluge nude potpuno besplatno, a s druge strane i njima su potrebna sredstva za rad i materijale za rad sa djecom, stoga vjerujem da ce resorno ministarstvo u sto skorijem vremenu iznaći pravi model, gdje će novac pratiti dijete.*

## Odgovor:

Zahvaljujemo se na upućenoj inicijativi u vezi koje Vas informiramo o sljedećem:

- Jedan od ciljeva Ministarstva za odgoj i obrazovanje je, unaprijediti odgojno-obrazovni rad u svim segmentima pa tako i u segmentu rada sa djecom s teškoćama u razvoju;
- Tematska sjednica o inkluziji u obrazovanju održana je 15. februara 2022. godine jasno je opredijelila pravac djelovanja u smjeru uključivanja djece sa teškoćama u redovne odgojno-obrazovne ustanove. Tragom Tematske sjednice Skupštine Kantona Sarajevo Vlada Kantona Sarajevo je usvojila Posebni program Vlade Kantona Sarajevo za unapređenje inkluzije u Kantonu Sarajevo, u kojem gotovo sva resorna ministarstva imaju određena zadužanja u skladu sa nadležnošću, koja su usmjerena na poboljšanje prilika za djecu sa teškoćama i njihove porodice.
- Također, poznato je da prethodnih godina djeca sa teškoćama nisu imala ravnopravan tretman prilikom upisa u predškolske ustanove. Ministarstvo za odgoj i obrazovanje ove godine implementira online način upisa uz pomoć softverskog programa, pri čemu se smanjuje utjecaj ljudskog faktora kod kreiranja rang listi primljene djece, što je onemogućilo isključivanje djece sa teškoćama iz pristupa vrtićima, prilikom upisa. Nadalje, djeca sa teškoćama, po prvi put imaju dodatne bodove (10 bodova) što im poboljšava prilike za upis. Ovaj online način upisa u primjeni je od juna 2022. godine, kako za upis djece u JU „Djeca Sarajeva“ tako i u privatne predškolske ustanove. Napominjemo da je Vlada Kantona Sarajeva 16. 06. 2022. godine donijela Program sufinansiranja boravka djece u svim privatnim predškolskim ustanovama broj: 02-04-24215-36/22 u iznosu od 200,00 KM za cjelodnevni i 100,00 KM za poludnevni boravak.

S ciljem kapacitiranja stručnih službi odgojno-obrazovnih ustanova Vlada Kantona Sarajevo, je pored ostalih dala i saglasnost za prijem u stalni radni odnos:

75 psihologa  
26 edukator-rehabilitatora  
26 logopeda  
18 socijalnih radnika  
69 asistenata u odjeljenju/grupi na neodređeno  
190 asistenata na određeno vrijeme,

od čega je JU „Djeca Sarajeva“ dostavljena saglasnost za zapošljavanje 9 profesionalaca (3 psihologa, 3 logopeda i 3 edukator-rehabilitatora) za rad u Mobilnom stručnom timu za pružanje podrške djeci s teškoćama u javnim i privatnim predškolskim ustanovama, tri psihologa, socijalni radnik i pedagog za podršku u radu stručne službe. Također, Ministarstvo za odgoj i obrazovanje Kantona Sarajevo je prvi put JU „Djeca Sarajeva“ dostavilo saglasnost za zapošljavanje u stalni radni odnos 12 asistenata za rad sa djecom s teškoćama.

- Djeca predškolskog uzrasta s teškoćama u razvoju mogu pohađati pet javnih ustanova koje finansira Vlada Kantona Sarajevo, a to su:
  - JU „Djeca Sarajeva“,
  - Centar „Vladimir Nazor“, Vrtić „More nade“,

- „Mjedenica“, Vrtić „Sunce u Mjedenici“,
  - Centar za slušnu i govornu rehabilitacij, odgojne grupe djece predškolskog uzrasta ili individualizirani rad,
  - Centar za slijepu i slabovidnu djecu i omladinu, odgojne grupe djece predškolskog uzrasta ili individualizirani rad.
- Ministarstvo za odgoj i obrazovanje, neprofitnim organizacijama/udruženjima, svake godine raspisuje javni poziv za dodjelu sredstava za finansiranje/sufinansiranje projekata iz oblasti inkluzivnog obrazovanja za djecu i mlade do 26 godina života pa je za te svrhe, ove godine, izdvojeno 300.000,00 KM.

Ministarstvo za odgoj i obrazovanje će nastaviti proces unapređenja inkluzije u Kantonu Sarajevo, sa posebnim akcentom na kvalitet odgojno-obrazovnog rada sa djecom sa teškoćama, te osnaživati stručni kadar, nastavnike, stručne saradnike, direktore i direktorice u cilju jačanja stručnih kompetencija za kvalitetniji rad sa djecom/učenicima sa teškoćama.

S poštovanjem,

**MINISTRICA**

*Naida Hota-Muminović*

Dostaviti:

1. Naslovu;
2. a/a;



Adresa: Reisa Džemaludina Čauševića 1, 71 000 Sarajevo

Tel: + 387 (0) 33 562-128

Web: <http://mo.ks.gov.ba>, E-mail: [mo@mo.ks.gov.ba](mailto:mo@mo.ks.gov.ba)